

揭陽縣正續志

丙子冬
仿印

地 330.87
39.4
部 = 1-3

序

嶺之南迤東有潮郡揭陽郡鉅邑也其山多矗起屹嶠有奇氣其水多凶涵委折若經醞釀其疆場繡錯屢有年其人文律宰蒸鬱向化亦日衆且日易其人烟稠接盜械風稀涵煦

聖代龐洪湛恩俯仰間得之倘龐儒碩德宰其地曩如韓昌黎治山陽教民以詩禮俾海邦被

閩澤汪濊於勿替暇與諸父老髦士講揖讓普聲歌時復攷故籍博訪實徵顯隱闡幽則邑志之光當亘古今益彰余甫蒞茲土刻刻兢兢以此身勗適邑續志事將竟諸薦紳問序於余展開一周其山川土壤人物與夫風俗等狀靡不畢著恍若目遇其敘理學孝義忠節政事文章之彥尤三致意若接聲效而親其進退與容止也若覩其

揭陽縣續志

卷之首

肅序

一

孝友光明之足砭鍼頑鈍也轟轟烈烈則若肝膽胞勃而倏見也利曷興弊故剔則若與上下其議論而羈紲聿舉也雍容元本汨汨滔滔則若登諸座而濡筆淋漓也至其及貞婦烈媛幽芳彤管則真足媿鬚眉人偉關碌碌促促者口而奪諸氣昌黎有言發潛德之幽光茲非其近耶余昔纂臨高縣志惕惕然以此意從事是志前令王君崧山莊君心嘉一開厥始一聽厥終學官李君坡樵暨邑諸豪俊襄其成與劉公紫峰前志一書後先輝映顧適於余志有合用不覺嗟嘆之長言之非敢褒其可褒也若夫詩禮教化雖非余所敢言然都人士女使優柔饜飫

聖澤汪濊於未艾海濱鄒魯復稱易治不其慰與緣滌筆而爲之序光緒庚寅昭陽協洽之月衡山聶緝慶撰并書

序

古者列國諸侯莫不有史自秦廢封建立郡縣而體制迥殊然圖籍之藏在有司者可攷而知也唐有元和郡縣志是爲總志之始其後長安志吳郡圖經續記繼出始有專書要其體裁但有四至八到山川鎮戍而已自太平寰宇記錄及人物兼載藝文條例大備蓋雖一邑之志擬之正史實具體而微語有之不習爲吏視已成事士大夫初膺民社將欲鑒令圖懷舊軌以求至理之用舍志乘其奚從揭之爲邑得名最古固山海輿區也予於丁亥之春來權是邦甫下車卽索舊志觀之頗病其湯沸殘闕不可卒讀旣而有督修之檄下乃延邑中文學之士商所以經理之者僉謂邑志創自有明嘉靖之際至國朝乾隆四十四年志凡六修迄今又百有餘年其間簡斷編殘放揭陽縣續志

卷之首

王序

二

軼者已莫可數計不及此時拾遺訂墜將有病於政事用是削牘授簡引助高雅相與採錄遺聞博徵文獻凡三閱月約十得八九而以纂修之事專屬之李坡樵廣文及邑士許君希逸周君易無何周君之官粵西予亦以瓜代有期迫不及待遂於戊子之春屬草補其缺畧正其舛誤刪其繁冗聚諸本稿商榷而討論之又閱三月得若干冊規模甫就而予適將卸篆去乃命鈔胥繕寫成帙是舉也雖爲日無多而疆索山川學校土宜物產與夫文人茂士賢媛烈女之美言懿行凡所以慎封圻籌保息資措理寓勸懲者繼舊志而慎攷載焉所冀後之君子裁成而潤飾之匡其不逮壽之梨棗俾得附當代之簡末而爲一邑之信史是則私心之所願望慶幸於無窮也夫

光緒十四年歲次戊子清和月卽選府特授

鐫平縣知縣署揭陽縣事

太湖王崧撰

揭陽續志序

舉天下郡縣而爲之志實濫觴於前明自時厥後歷數十年而一修之天下郡縣無不同也然大率皆襲舊志之記載而滅前人之姓名如章實齋所謂充其義類將班書旣出史記卽付祖龍歐宋成書舊唐遂可覆瓿者殆幾爲修志者之通病故其書亦往往百無一存焉余以己丑之夏被檄權知揭陽縣事縣故秦漢時舊邑班書地理志南海郡領縣六揭陽屬焉今之疆域雖屢經析置他縣而縱橫二三百里實爲海疆劇地間嘗覽其山川形勝慨想秦漢以來治亂興衰之迹與夫化民成俗之道徵所有志讀之則修於乾隆己亥閱今又百餘年矣前令王君崧懼文獻之無徵爲開局延儒董而理之始事於光緒丁亥學官李君星輝實司載筆之役屬草略定而李君有赴揭陽縣續志

卷之首

莊序

三

試禮部之行遂以草本授之許君希逸未幾而許君又卒余索閱之則采近百十年之事一一錄而識之其或爲舊志所未詳者補而存之分門別類條理秩然附於舊志之後名曰續志是其不敢逞一己之私見毀前人之成書其用心已非近時修志者所可及則所記錄亦必真實無妄足以信今而傳後斷斷然矣邑之士夫咸以搜輯旣久深恐又歸散佚請乘此日先付梓人以備後人考鏡之資余亦樂觀厥成也適李君試歸因爲之校定并屬郭君春華經理其事舊所集資用已將竭其不足者爲捐廉以成之書成而請序於余爰爲誌其緣起如此昔陸清獻爲靈壽縣志其序例曰土瘠民貧居官者不可紛更聚斂土著者不可侈靡爭競揭之爲俗向稱海濱鄒魯其地有魚鹽數澤之利自昔號爲富庶而咸同兵事以來比戶蓋藏亦大

非往昔可比後之讀此志者其亦有感於陸清獻之言而不爲紛更聚斂侈靡爭競之行於以移風易俗復諸曩昔盛時是則余之有望於後來有司與告都人士所不容已之心也

光緒庚寅夏四月陽湖莊允懿譔并書

序

方輿紀載國史之支流也唐以前著作寥寥今所傳者以李吉甫元和郡縣志爲最古趙宋以後載筆漸多其特紀一州一邑者若范成大吳郡志王鏊姑蘇志康海武功縣志韓邦靖朝邑縣志並稱於世具有典型朝邑縣志尤高簡前人以絕作推之嗣後秉筆者綱領條目各以意創亦如歷代史冊體例難盡同也地名之有揭陽始於秦時而置縣則肇自宋徽宗之世至明嘉靖間乃有志乘泊

國朝乾隆己亥前令桂平劉侯業勤遂合前人五修之編統加纂定今又百餘年矣時代既遙文獻不足續修之舉咸以爲難光緒丁亥王松山明府蒞揭下車數月諸廢漸興適朱少虞郡伯檄

揭陽縣續志

卷之首

李序

五

下令輯邑志以備脩府志迺毅然肩任於是年秋杪定議舉辦採訪之役分委各都人士其任分纂者周子元大令易甫當草創卽捧檄之粵西未遑握管羅德齋懋修黃劍香見龍兩學博亦以摒擋家務始有餘暇惟許菊坡別駕希逸從事其間許君宏覽博聞翩翩書記才也惜其屬草未畢旋歸道山余以王明府所屬爲董其成染翰操觚相與參稽商榷卽上下百餘年之事采輯成書分爲四卷標以目錄凡例以續前志前志見聞殫洽記叙彬雅其間有疏舛者摘出訂正未敢輕事更修恐沒前人之美也嘗考前志所陳人物彪炳自明代至我

朝乾隆間霞蔚雲蒸頌斌踵起如薛侍御侃之理學翁襄敏萬達之經綸郭忠節之奇之臣品許兵部國佐之孝烈羅吏部萬傑之高

節鄭勤恪大進之勳名史乘交輝更僕難數後人恭敬桑梓景仰
徽猷宜何如鼓舞奮興者無奈嘉道而還土人染漳泉械鬪之習
世變風移江河日下馴至同治之世蓋否終剝極之象也然天運
無往而不復人事窮變則必通同治辛未今 方軍門官潮州鎮
總兵 瑞制軍假以事權令懲治潮屬土匪由是摧陷廓清與民
更始舉百數十年來鬥很梗化之氛滌而蕩之土俗豁然一變有
司得以敷治宣猷潮民易治之說庶不虛耳余又嘗適原野覽山
川見夫峰巒巒從溪澗縈紆其中繡壤平疇縱橫輒十數里地大
物博知清淑之氣之所磅礴而鍾毓者必有在也故其人物之異
大都磊落英多如前明理學名節諸君子庶幾復見於今乎所愧
忝來司鐸誘掖無方猶幸舊俗更新人文日起應童試者人已逾
揭陽縣續志

卷之首

李序

六

千較之同治季年不止倍數比來省試禮闈連聞捷報駸駸乎追
昔時之盛當拭目以俟之已茲因志稿編成撫今思昔深願與此
邦人士共勉之也用附綴數言於簡端

光緒十六年歲在庚寅夏五新會李星輝譟併書

揭陽縣續志卷之首

目錄

卷首

序

目錄

纂修職名

凡例

學宮圖

試舍圖

卷一

方輿志

山川

津梁

都邑

墟市

潮汐

揭陽縣續志

卷之首

目錄

一

建置志

學宮

壇廟

公廨

書院

公租

卷二

職官志

文職

宦蹟

選舉志

進士

舉人

貢生

武舉

軍功

恩蔭

捐職附

卷三

人物志

賢能

耆壽附壽婦

列女

雜記附

卷四

風俗志

物產

災祥

事紀上編紀獨恤經政
下編紀變異時事

藝文志

書目

文篇

揭陽縣續志

卷之首

目錄

二

詩篇

纂修職名

監修

卽選府特授饒平縣知縣署揭陽縣知縣 王 崧 太湖人

提舉銜候補通判署揭陽縣知縣 魏 恆 邵陽人

補用府卽補軍民府署揭陽縣知縣 莊允懿 陽湖人

同知銜卽補知縣署揭陽縣知縣 聶緝慶 衡山人

總纂

內閣中書銜揀選知縣揭陽縣教諭 李星輝 新會人

分纂

同知銜福建補用通判邑廩貢生 許希逸

廣西試用縣知縣邑拔貢生 周 易

揭陽縣續志 卷之首 纂修職名 三

候選教諭邑恩貢生 羅懋修

候選教諭邑恩貢生 黃見龍

採訪

在 城 都 廩 生 羅雲藻

在 城 都 廩 生 林鳳翔

在 城 都 增 生 陳乃勳

漁 湖 都 附 生 林書鵠

桃 山 都 增 生 謝秉成

地 美 都 廩 生 黃清臣

梅 岡 都 廩 生 徐廣文

梅 岡 都 附 生 江仲淹

藍田都廩生黃甲儒

藍田都廩生林廷資

霖田都廩生張儀型

霖田都附生陳時父

磐溪都歲貢生林國華

官溪都增生陳若虛

董理校刊

內閣中書銜儘先教諭邑恩貢生郭春華

檢校

在城都廩生劉士俊

收掌

揭陽縣續志

卷之首

纂修職名

四

中書科中書銜邑監生林鳳翽

凡例

一考縣治設於宋宣和三年辛丑至明嘉靖二十四年乙巳邑令王鳳始創編縣志洎國朝乾隆四十四年己亥志凡六修則邑令劉業勤手定也距今光緒十三年丁亥又歷一百九年矣舊志板多漫漶而乾隆壬午所修黃志已罕存前此王馮鄭陳諸志更散佚無從搜索今擬將劉志之殘缺者重爲刊補復採乾隆四十四年以後至今光緒年間之事輯爲續編其中世遠年湮莫由稽訪者姑任闕如以俟來者之蒐討

一舊志卷首冠以疆域全圖及縣署學宮書院山川都置古蹟各圖條分件繫開卷瞭然洵爲詳瞻今祇卽其中之更易廢置者隨聞錄記擇其要者另繪新圖列諸首帙

揭陽縣續志

卷之首

凡例

五

一劉志爲綱入爲目六十有八徵引博洽叙次明哲合前五志而集其成但名目頗煩尙須裁併如方輿一門古蹟無多宜併入於山川墟市無多當附見於都置至城池廨署亦應歸入方輿而鋪遞倉廩皆可附書不必別爲子目竊擬方輿志首建置沿革次星野疆域山川潮汐都置而墟市附之次城池而津梁坊表附之次公署而倉廩鋪遞附之似此綱舉目從較爲簡括惟與修者人事不齊力量有限舊志未及更訂特略擬梗概以待將來

一職官選舉兩門或謂宜列年表而劉志嫌其僭謂以邑乘擬國史也考歷代史有表者惟馬班書及唐宋元明諸史耳其餘皆無之卽今省志亦不列表是以仍舊分行直書似較便於披覽選舉一門凡捐納虛銜及實職而未出身者概不列載以此類太多採訪

不備恐挂一漏萬非公也若援例出仕與夫武功得官既曾食祿志乘宜書至職官中遊擊城守其署中檔冊無存歷任員弁罔由考證不得不任其闕文

一舊志於山川古蹟間有譌舛如陳夫子巖本在松岡而誤指爲竺岡東西易位姑蘇山本非地以人名而云時聞吟詠聲或以爲姑仙示現不知姑係何人何代仙去想亦如小姑山彭郎磯之類耳茂林非山僅水濱巨石卓立而云平原中突起奇峯石水岡石坡廣袤僅數丈而云百餘丈凡此皆沿舊失考特爲摘出以俟重修者更訂焉

一舊志人物一門賢達孝義懿行鄉善分標名目軒輊實難細分今概以賢能別爲子目善善從長所取稍寬其中盧前王後覽者當

揭陽縣續志

卷之首

凡例

六

自得之輩次前後亦未能分定也至耆壽則婦女均得並登故連附於後雍正乾隆間給耆民粟帛老婦亦獲恩施皆五福所首重也

一列女傳倣自劉向惟是庸行非同奇節飲冰茹蘗苦况大略相符凡婦女循分守節姓氏勒碑其節烈著異者設位祀節孝祠此部行通例也今就見於採錄者先後登載其先已得請旌者別爲姓氏錄以省簡帙

一藝文宜載書目歷代史例也舊志缺載今據所採分列其目於前而文篇擇載於後亦沿舊志之式或舉宋范成大吳郡志爲例以文章之有關志乘者散入各門之下而以書目專屬藝文此例蓋始自漢書若其無門可入者如薛中離翁襄敏及王陽明海忠介

諸先正奏章書牘論治講學諸篇舊志所載者雖足垂訓而限於體例將來修輯勢必從刪而山川古蹟游覽凡猥之作轉得分門附登殊覺無謂夫郡邑志乘非比蘭臺芸館之編但貴從宜求是體裁實無定規不必是丹而非素後有作者當不河漢斯言

一劉志謂陳志於物產箋注甚詳可資淹博但多非揭產徵引過繁量爲刪節今攷劉志去取仍未盡善蓋非揭產者已刪而爲揭產者尙缺其中間有疏誤特抽出再加考證未收者從新采錄以補所缺遺

一劉志分列各門皆冠以弁言旨遠辭文足耐尋諷今新採門類無多續輯成編擬附劉志之後非敢言修也故不復另爲引說以省繁文亦守述而不作之訓云爾

揭陽縣續志


卷之首

凡例

七

續輯稿本大畧已定於戊子春杪嗣以分纂諸君各有事業未遑從事於斯許君菊坡擬將舊志更修合爲一編所見固高惜其抱病經年力不逮志洎己丑夏間旋聞溘逝矣先是戊子秋初余爲諸生大比事赴省趨公尋計偕入都至己丑夏間回粵又值恩科慶典襄事會垣比杪秋返學齋而文宗按臨至潮忽忽上郡迨公事竣而臘鼓催年矣今春間始索取前稿重加攷訂請莊心嘉明府鑑定付諸梓人一切董理檢校則郭菲圃廣文春華劉聘三茂才士俊專任其勞焉爰記其始末梗概俾知時閱四年而從事纂輯者前後實不過一載後之覽者幸爲諒之庚寅清明前三日李星輝檢識

學宮新圖





學宮新圖

揭陽縣續志 卷之首 圖

八

試舍圖





揭陽縣續志卷之一

方輿志

山川



松岡岩卽崇光岩在黃岐山之西巨石嵯峨覆其頂銳而有稜狀如獅子寬廣可容數十人岩之前有石罅仄徑斜下復有一岩傍有屋數椽可以偃息石上有小有天三字宋邑進士陳希伋讀書處所謂廣南夫子者是也亦曰陳夫子岩有聯云仙客有靈千古在洞門無鎖四時開至今風雨之夕猶聞有絃誦聲山後最高處有小石室曰蘭岩人跡罕至松岡之麓舊有挹翠亭高踞山椒俯臨泉壑朱甍畫檻掩映林巒乾隆二十六年署縣事黃大鶴建今廢桑浦山距城東南六十里突起海濱兩山相連以風門徑爲門戶鎖

揭陽縣續志

卷之一

山川

一

紐高約二百丈周圍五十餘里跨海揭澄三縣之地屹然爲東南屏蔽峯之最高者南曰石龜巨石如數間屋中空無竅隙向西處坼罅如指夕陽欲下照見壁上鐫風雲碧落霞五大字金碧煥然北曰玉簡峯亦有玉簡二大字在石中壁隙向上必夏至前後數日日光正照始見他時則否有洞曰桃源曰小桃源有岩曰寶雲曰白雲有寺曰無相曰內觀曰甘露曰弱水曰龍山中離山踞其中邑先正薛行人侃講學於此山西北有溪曰中離溪亦其所濬錢岡山距城東南二十五里脈連桑浦矗起海傍面海處有巨石可以望遠土人呼爲望夫石元時有林氏女適陳氏子陳浮海貿易不歸婦日登此石望之積十餘載一日忽登其巔自擲死里人哀之葬於石下墓成而夫歸殉乃合窆焉今石上尙有履跡及績筐